

ऋग्वेद मण्डल ९ सूक्त १ | Rigveda Maṇḍala 9 Sukta 1

मधुच्छदाः ऋषिः । पवमानः सोमः देवता । स्वरः षड्जः

छन्दः	
१, २, ६	गायत्री
३, ७-१०	निचृद्गायत्री
४, ५	विराड् गायत्री

riṣiḥ madhuchchadaaḥ. devataa pavamaanaḥ somaḥ. Swaraḥ ṣaḍjah

Chhandah	
1, 2, 6	gaayatree
3, 7-10	nichrid gaayatree
4, 5	viraad gaayatree

स्वादि॑ष्ठया मदि॑ष्ठया पव॑स्व सोम॑ धार॑या । इन्द्रा॑य॒ पात॑वे सुतः ॥१॥

स्वादि॑ष्ठया मदि॑ष्ठया पव॑स्व सोम॑ धार॑या । इन्द्रा॑य॒ पात॑वे सुतः ॥

1. Om svaadiṣṭhaya maḍiṣṭhaya pavasva soma dhaarayaa. indraaya paatave sutah

र॒क्षो॒हा वि॒श्वच॑र्षणि॒र॒भि योनि॑मयो॒हत॑म् । द्रु॒णा स॒धस्थ॑मास॒दत् ॥२॥

र॒क्षः॒स॒हा वि॒श्वः॒र्ष॒णिः अ॒भि योनि॑म् अयः॒स॒हत॑म् । द्रु॒णा स॒धः॒स्थ॒म् आ अ॒स॒दत् ॥

2. Om rakṣho-haa vishva-charṣhaṇir-abhi yonim-ayo-hatam. druṇaa sadha-stham-aasadat

व॒रि॒वो॒धात॑मो भव॒ मं॒हि॒ष्ठो वृ॒त्रह॑न्त॒मः । प॒र्षि रा॒धो म॒घोना॑म् ॥३॥

व॒रि॒वः॒धात॑मः भव॒ मं॒हि॒ष्ठः वृ॒त्रह॑न्त॒मः । प॒र्षि रा॒धः म॒घोना॑म् ॥

3. Om varivo-dhaatamo bhava manhiṣṭho vritrahan-tamaḥ. parṣhi raadho maghonaam

अ॒भ्य॑र्ष॒ म॒हाना॑ दे॒वाना॑ वी॒तम॑न्ध॒सा । अ॒भि वाज॑मु॒त श्रवः॑ ॥४॥

अ॒भि अ॒र्ष॒ म॒हाना॑म् दे॒वाना॑म् वी॒ति॑म् अन्ध॒सा । अ॒भि वाज॑म् उ॒त श्रवः॑ ॥

4. Om abhyarṣha mahaanaan devaanaam veetamandhasaa. Abhi vaajamuta shravaḥ

त्वामच्छा॑ चराम॑सि तदिद॑र्थं दि॒वेदि॑वे । इन्द्रो॑ त्वे न आ॒शसः॑ ॥५॥

त्वाम् अ॒च्छ च॒राम॑सि तत् इत् अ॒र्थम् दि॒वेदि॑वे ।

इन्द्रो॑ इति॑ त्वे इति॑ नः आ॒शसः॑ ॥

5. Om tvaam-achchhaa charaamasi tad-id-arthan dive-dive. indo tve na aashasah

पुना॑ति ते प॒रि॒स्रुतं॑ सोमं॑ सूर्य॑स्य दुहि॒ता । वारे॑ण शश्व॑ता तना॑ ॥६॥

पुना॑ति ते प॒रि॒स्रुतम्॑ सोमम्॑ सूर्य॑स्य दुहि॒ता । वारे॑ण शश्व॑ता तना॑ ॥

6. Om punaati te pari-srutan soman sooryasya duhitaa. vaarena shashvataa tanaa

तमी॑म॒ण्वीः स॒म॒र्य आ गृ॑भ्णन्ति॑ योष॑णो दश॑ । स्वसा॑रः पा॒र्ये दि॒वि ॥७॥

तम् ई॑ अ॒ण्वीः स॒म॒र्ये आ गृ॑भ्णन्ति॑ योष॑णः दश॑ । स्वसा॑रः पा॒र्ये दि॒वि ॥

7. Om tam-eem-anveeh sa-marya aa gribhñanti yoṣhaṇo dasha. svasaarah paarye divi

तमी॑ हि॒न्वन्त्य॒गुवो॑ धम॑न्ति बा॒कुरं दृति॑म् । त्रि॒धातु॑ वा॒रुणं॑ मधु॑ ॥८॥

तम् ई॑ हि॒न्वन्ति॑ अ॒गुवः॑ धम॑न्ति वा॒कुरम् दृति॑म् । त्रि॒धातु॑ वा॒रुणम्॑ मधु॑ ॥

8. Om tam-eeñ hinvanty-agruvo dhamanti baakuran dritim. tri-dhaatu vaaraṇam madhu

अ॒भी॒३॒मम॑घ्न्या॑ उ॒त श्री॑णन्ति॑ धे॒नवः॑ शिशु॑म् । सोम॑मिन्द्रा॒य पात॑वे ॥९॥

अ॒भि इ॒मम् अ॑घ्न्याः॑ उ॒त श्री॑णन्ति॑ धे॒नवः॑ शिशु॑म् । सोम॑म् इन्द्रा॒य पात॑वे ॥

9. Om abhe-e3mam-aghnyaa uta shreenanti dhenavaḥ shishum. Somam-indraaya paatave

अ॒स्येदिन्द्रो॑ मदे॒ष्वा वि॒श्वा वृ॒त्राणि॑ जिघ्न॑ते । शू॒रौ म॒घा च॑ म॒हते॑ ॥१०॥

अ॒स्य इत् इन्द्रः॑ मदे॒षु आ वि॒श्वा वृ॒त्राणि॑ जिघ्न॑ते । शू॒रः म॒घा च॑ म॒हते॑ ॥

10. Om asyed-indro madeṣhv-aa vishvaa vritraaṇi jighnate. shooro maghaa cha mañhate